

PULÍTICA I PRUSEDIMENTUS DI DA UN SKOLA NOMI

Es Sirkular di pulítika ta aplika pa anu letivo 2022-2023.

Kontextu

Na 16 di setenbru di 1998, Komitê di Skolas di Boston adota un pulítika pa da nomi ô troka nomi di kalker skola publiku di Boston ô ária di distaki di skola (sima se biblioteka, auditóriu, jinásio, sala di konferênsias). Es pulítika foi disenhadu pa asigura ki funksionários di skola, pais i komunidadadi ten oportunitadi pa sujeri i revisa nomis antis d'es ser mandadu pa superintendente i Komitê di skolas pa aprovason final. Dipos ki aprovalu abertura di un novu skola, Komitê di skola pode aprova un nomi tenporário ki ta permanesi en ifeitu ti ki komunidadadi di skola é formadu i direktor di skola ta asumi prusesu ditaliadu indikadu li di da skola nomi.

DA NOMI - Óras ki un komunidadadi eskolar ta asumi prusesu di da nomi ô troka nomi di un skola, é responsabilidadadi di direktor ô xefi di skola pa asigura ki tudu partis implikadu mantedu informadu sobri prusesu i ki es da-du oportunitadadi di partisipa. Sugeston pa da nomi pa un skola debi ser apresentadu pa direktor atraves di un di kes três fontis li:

- a. Menbrus di Komitê di skola
- b. Konsedju di skola, Konsedju di pais, pais
- c. Menbrus di komunidadadi ô grupus di komunidadadi

AUDIENSIA PUBLIKU

Dipos ki resebedu sugestons pa novus nomis pa skola, direktor i Konsedju di skola debi marka i realiza un audiensia publiku. Un aviso di audiensia (inkluindu data, óra, lokal i agenda) debe sta fixadu na skritório di sekretário di sidadi, mandadu pa jornal lokal, distribuídu pa funksionários i mandadu pa kaza di tudu pais.

Prupósito d'es audiensia é pa oferese kes ki manda ses sugeston un oportunitadi pa furnesi un justifikason pa ses pididu i pa respondi purguntas. Audiensia tanbê ta furnesi direktor i konsedju di skola ku un oportunitadi pa obi komentários di komunidadadi eskolar i kes partis afetadu. Pode mandadu sugestons adisional na óra di audiensia.

KRITÉRIU I DIRETRIZES

Kel siginti kritériu debi ser konsideradu na rekomendason ô adoson ofisial di nomis pa unidadi na skolas. Sirkular di Superintendente SUP-4, 2022-2023, 1 di setenbru di 2022, Pájina 2 di 2

1. Nomis di unidadi pode rekonhesi un algen ki faze un kontribuison signifikante ô presta un servisu notável pa skola, sistema di skola, nason ô sosiedadi.
2. Nomis di unidadi pode rekonhesi sekson jiográfiku di sidadi na kal skola sta lokalizadu (sima na kasu di txeu liseus di distrito).
3. Nomis di unidadi pode rekonhesi tema akadémiku di skola.

4. Nomi di unidadi pode ser un kombinason di nomi di un algen ki faze un kontribuison signifikanti pa skola, sistema di skola ô komunidadadi i ô un tema akadémiku.

Nomis di salas ô árias spesial di skola pode rekonhesi un algen ki faze un kontribuison signifikante ô ki presta un servisu notável pa skola ô komunidadadi.

REKOMENDASONS

Diretor di skola i Konsedju di Skola pode opta pa vota na sugeston(s) pa nomi di un novu skola ô pode manda várius sugestons pa superintendente i komité di skolas pa es revisa i aprova. Si konsedju di skola disidi na vota na sugeston(s), runion undi kel votu ta realizadu debe ten txeu publisidadi, sima runion di audiensia ki sta mensionadu diriba, ô es pode faze-l duranti audiensia. Dipos ki es prusesu kompletadu, direktor di skola debi manda kel siginti pa superintendente:

1. Opson(s) ô rekomendason(s) di nomis pa skola na nomi di Konsedju di skola
2. Un kópia di aviso di audiensia publiku i relatório di se distribuison
3. Atas di runion (si tiver) na kal votadu

Superintendente ta aprisenta rekomendason(s) pa Komité di skolas pa diskuson i ason na un di ses runion publiku regular.

Pa más informason sobri es sirkular, kontata:

Nomi:	Elizabeth Sullivan, Diretora di Relasons Intergovernamentais
Departamento:	Departamento: Skritório di Superintendente
Enderesu:	2300 Washington Street, 5th Floor, Boston, MA 02119
Telefoni:	617-635-6402
Fax:	617-635-9059
Email:	esullivan5@bostonpublicschools.org

Mary Skipper, Superintendente